

建德縣志

宣統二年湖北
官刷印局排印

新修建德縣志序



建德縣志修於道光五年迄今八十六年中更咸同大亂凡兵劫始末政事因革與夫忠義節烈之行指不勝屈失今不輯將日久失傳何以昭示後來十餘年前馥曾以此意商之於張意堂觀察徐範庭廣文頗以爲然旋因事阻未果後邑紳屢議及之又以費重莫舉前年趙法乾司馬稟商邑尊張蒼甄太守乃毅然力勸各保輸費各紳採訪且屬兒子學銘任編纂之役然猶慮費少不足以濟兒子學熙復捐廉一千元助之於是始議定設局舉事惟學銘時任皖南鐵路事不

建德縣志

序

一

克常居建於是借馥蕪湖別墅爲局而請鄉紳鄭貫之徐首堯王慶堂等來蕪襄事爲便商榷搜書籍也听夕考訂逾九閱月稿成余亦間爲搜訪遺書證引所聞以助之計考据增十之一二事實則增三四近年

朝廷新政疊頒皆按册案撮要畢載之其節義應請旌表而未及者懿行善舉久湮而未彰者無不登錄斯舉也論議至十餘年而今始觀成可謂難矣邑紳議請排印五百部屬兒子學輝董其事不必刊板期節費也余亦以爲可行第愚見尙有請者昔年請旌之事費重報遲人視爲畏途今宜將忠義

節烈之應請旌者由衆紳臚列事迹稟縣詳院咨奏俟奉准
後建立男女二總坊以表揚之費不足再議捐湊此關係風
化要端也與誌書並重願與衆力成之馥尤願讀是書者仰
體

聖天子正德厚生之意與夫官斯土者條教勸勉之勤有以淑身
而淑世焉則庶幾不負任事者之苦心若徒作考証往古訪
遊山水觀則失之淺矣是爲序

宣統二年庚戌四月頭品頂戴前署兩江總督兩廣總督邑
人周馥撰並書

舊序 道光五年

池州府 西隆阿
知府

郡邑之有志猶國之有史非徒徵文考獻博物洽聞侈鋪張而供流覽已也必察興革之由稽盛衰之數於以知政治之得失世道之隆汙上貢輔軒下昭法戒以信今而傳後志豈易言哉池陽爲江左要衝建德隸其南雖偏隅小邑實郡治上關其山川秀美風俗敦龐民淳氣和由來舊矣歲癸未予膺簡命來守是邦按部觀風叅稽志乘心竊美之欣逢大憲奏請纂修安徽通志飭令各郡縣各取舊志增新之以備採覽

建德縣志

舊序

一

邑令陳君奉檄惟謹旋謀之同寅率諸紳士博稽故籍廣訪舊文不數月裒集成編爲卷二十爲類十有一提綱挈領經緯秩然考分野則星紀之次而斗牛女之分衛也察地理則石城鄱陽之地而至德建德之沿革遞易也其山則有白象灣濤五龍天台之勝其水則漚龍口昭潭茹蘭雙溪之源其營建所志則城池公署坊表橋渡區畫井井焉食貨所紀則戶口賦稅物產土田旣庶且富焉學校所掌則堂皇如制齋閣增新而書院試院學署規模大備焉若乃梅堯臣吳淵吳師道程端禮諸人之良法美意則名宦表著矣周繇檀固李

植柯暹鄭三俊孔貞時諸人之偉節鴻猷則人物具舉矣他如秩祀禮儀倉儲武備官師之典著作之林下逮仙佛道釋靈異祲祥罔不考核精嚴胥關世教則是編也洵足以貢輶軒昭法戒信今而傳後也豈徒徵文考獻博物洽聞侈鋪張而供流覽已哉我

國家重熙累洽百八十餘年來休養生息教澤涵濡庶產日益蕃士風日益盛司牧者按籍數求察其輕重緩急之宜折衷至當而斟酌損益之推廣

皇仁宣揚

建德縣志

舊序

二

聖化其有裨於風教人心者豈淺鮮哉予披覽終篇欣見夫人文之盛俗尙之淳民生物產之蕃一邑有然六邑宜無乎不然緣陳君之請而敘其略於簡端

舊序二 道光五年

建德縣知縣 陳葵

道光紀元之二月 葵始履建德任即取縣志而閱之簡編脫落字畫漫漶不可卒讀每欲續修而材質驚下簿書錢穀之不遑末由議及二年冬

中丞陶公時任方伯布化宣猷百廢具舉謂安徽自分省以來未有專志宜亟纂修以備掌故裨治術檄下各州縣探訪舊萃并舊志上之用供采擇其向無志書及年久未修者亦即纂修毋闕毋怠願圖始爲難時自悚懼嗣屢奉

方伯徐公申明

建德縣志

卷之首 舊序二

一

中丞前指 葵因思縣志自乾隆丁酉重修後迄今四十有八年矣失此不修更歷數十年必且絕而不可復續非所以承盛意示來茲也爰集同僚及闔邑紳士謀之各盡所長共襄厥事權輿于四年秋孟凡邑中事蹟與

中丞省志章程相符合者次第成編上之省局雖或不合於省志章程而苟有關於一邑之人心風俗可以資考鏡而示勸戒者則悉入之縣志焉七閱月而藁粗就兼權方伯廉訪劉公

郡伯西公猶恐九仞之虧于一簣也諄諄董戒至于再至于

三於是諸同僚及諸紳士迺愈益奮勉不稍懈遂以今五月
剗闢成夫竹之萌也雷一震焉則裂土以出草木之芽也雨
一潤焉則坼甲而榮川澤之盈必滙衆水棟宇之構必度衆
材是役也非

大賢在上位以爲之率作無以成其始非同僚紳士一心力
以贊助無以成其終 葵之不敏蓄念數年而竟得觀成於一
日也不可以不識若志乘之有係於政教前之人已詳之其
義其文之善否後之人自見之 葵無贅焉

舊序三 乾隆四十二年

池州府 知府 張士範

往余讀莊子書南越有邑焉名爲建德之國其民愚而朴少私而寡欲與而不求其報義禮乃蹈乎大方未嘗不嘆其寓言之遠而風土之敦龐和理不必實有其地與之肖也浙東山水甲天下明秀而靜深嚴州稱最其民俗醇慤去莊生之寓言不遠孫吳時因取以名邑江南有至德者析鄱陽秋浦之地而居之五代時亦改至爲建蓋其地勢物象與浙東相類也每爲神往者久之歲丁亥余由中秘出守衢州往來於浙之建德美哉今不殊於古所云矣辛卯復奉

建德縣志

卷之首 舊序三

一

簡命來守池州建德隸其部內余初行縣入其境顧而美之愛其風土之敦龐和理非曼麗而卓鷲者所可同也久乃縱遊其曲折益信其爲樂土而于于不忍去焉其山之佳者若博陽若鼎華若華蓋玉筍之屬其殊特不可枚而數也水則茹蘭以爲溪陽烏以爲潭紅砂黃荆以爲港仙姑司徒以爲泉溲乎其清窈然其不可測也其中茁停之倫惴栗肖翹之物莫不含氣發色而有餘光因退而訪其人物凡端潔魁岸之可傳者駢肩而接踵如李植柯堅李國平輩或以德行著或以儒林顯或以高隱名初非規規倣竊形似而借以爲市也是

固坤輿之磅礴鬱積勃毓而不容已矣更進而考其分星之遠近戶口田畝貢賦役徒之多寡以及關梁道路之出入城市署廬之集散一切物土之宜而因事以爲制者無不犁然有當於心其與莊生之所稱無乎不肖固不必不實有其地也況我

朝重熙累洽百四十年來德澤格被其興起更爲前古所未有邑舊令許君敷政之暇念縣志之久未修也率博士與弟子員輯故采新纂揚盛美未付攻木氏署令張君刊而傳之俾一邑之沿革興廢異同勸戒一按籍而瞭如指掌官是土者

既可藉以察其利病而展其設斯而父老子弟之耳濡而目染益得鼓舞於敦龐和理之中而不倦則此志之功大也張君持是編請序余正修郡志喜得是書加詳考焉因爲論著如此

舊序四 乾隆四十二年

建德縣 許起鳳 昌化人

建隸池陽屬邑僻處山陬界連祁歙境偪彭鄱山深風古土瘠民貧祇緣五方雜處商旅時行亟需得人而治整飭拊循之有道也欣逢我

國家承平日久德化涵濡風移俗易聲明文物之盛蒸蒸日上予於乙未冬恭膺

簡命來蒞茲土檢閱邑乘見其卷帙簡約紙片模糊及細核錢穀戶籍選舉職官等類具與全書郡志參錯不符至考其書係修於康熙元年迄今百有廿載並未修輯不但前聞往見事

建德縣志

卷之首 舊序四

一

遠言湮即百年以內賦役則例人物典故事如積薪亦皆無徵不信實有難以因陋就簡者第事有緩急先其大者俟數月後漸次就理隨修稟具懇各憲恩蒙許可始謀之同寅遴集紳士外而採訪事實內而彙輯成編予爲之設館授餐捐俸力襄其事始於丙申之冬迄丁酉暮春清稿已就然粗略從事未敢自信先行錄稿敬呈各憲懇電裁正發縣謀付剞劂庶可垂久而傳久以仰副

聖朝文明之雅化兼備輶軒之採云是爲敍

舊序五 乾隆四十二年

署建德縣知縣 張世和

古者太史氏輶軒四出博采風謠大則在邦國之廣小不遺鄉邑之僻誠以習俗異尚教化異宜各有取爾也書曰表厥宅里樹之風聲凡秀良耆碩足爲閭里光者貴有以表章之否則湮滅而不傳者何可勝道故郡邑之有志乘與邦國之有史乘所以信今而傳後其揆一也且志之體例本屬於史漢書天文志食貨志非歟晉唐以來郡國各有志南北史不作志後人議之以其沿革制度無可徵信也志之所係不綦重哉建邑爲揚州之域漢隸鄱陽原名至德建之名自南唐建德縣志 卷之首 舊序五 一

始其地爲池陽上關襟東流帶貴池控祁門引彭澤環山而處民淳氣和欣逢

聖朝治化隆平重熙累洽斯民沐

盛世之涵濡食舊德之名氏農修耒耜士服詩書風氣益蒸蒸日上矣蒞茲土者不厚幸歟惟考邑乘一書創于前明後已散佚

國朝康熙元年邑令古虞高公博采舊聞搜羅殘缺重修成本距今百有餘年棗梨朽蠹字蹟漫漶而典例迭更人物代謝後之嘉言懿行闕焉罔載往往貽采風者之憾丙申歲前令昌

化許公以名進士出宰是邦慨然以修志爲己任遴集邑之紳士捐俸授館餐司蒐訪者幾人任載筆者幾人采之輿情詢之故老事必期于覈寔文不尙夫敷華焚膏繼晷躬親釐訂兩易寒暑而犁然成帙部次州居共得八卷甚盛舉也將次開雕而許公遽游道山有志未逮余奉檄庖代斯土各紳士以全書問序于余展而讀之其稱名也典其取類也賅其義當其辭文一繙閱而輿圖星野山川人物與夫貢賦土宜因革損益瞭然如掌上羅紋歷歷可數許公之修廢舉墜微往紹來用心亦良苦矣付諸梓人或緩耶爰集邑紳亟謀固陋述其顛末而爲之序

剗腕以續前賢未竟之緒敢曰莫爲之後雖盛勿傳耶不辭

舊序六 乾隆四十二年

建德縣
教諭 秦山

邑乘從來有之所以載山川紀人物核生產綜古蹟俾駐節
觀風者從尺幅中得故實也建屬池陽下邑環山而處往往
遊客憇輅憑弔玉峰蘭水間堯城佳勝指不數屈至於鍾靈
毓秀偉人間出若者節義若者忠孝若者冠冕若者隱逸取
諸梨棗所刊如建德志者莫不展卷瞭然邇來文獻凋殘金
玉與瓦礫同塵不能起昔紳庶髦而與之言百里記載事良
缺然前令許公才當八面簿書餘暇輒訪咨縣志自康熙元
年絕筆百餘年於茲後起者闕而不傳甚愴悅也爰是商之

建德縣志

卷之首 舊序六

一

同寅遴集紳士廣詢博訪殫心力而成之未付剗劂遽爾仙
遊此事遂寢古婁張公署篆莅任後仁民育物釐弊剔奸墜
者舉廢者興期月而政清刑省恢乎有餘地矣乃拳拳以續
刻許公之志爲事因開雕乏費率先捐俸命開志館又屬彙
集而斟酌之數月而厥功告竣取而閱之前經許公之裁訂
者屹然如故而爲後日增訂者井然臚列土俗民情興舉黜
陟一開卷而歷歷指掌可以資考覈可以垂久遠可以備觀
風之探擇可以補國史之缺略此又張公不朽之盛事豈非
莫爲之先雖美弗彰莫爲之後雖盛弗傳也哉余剪西窗下

燭媿言之無文幸藉手以報公命張公循政多端更僕莫悉
茲舉特全豹之一斑耳後必有史氏書之無竢余之喋喋也
謹序

建德縣志

卷之首 舊序六

舊序七 康熙元年

池太兵 劉三章 備道

余嘗讀宋蘇文忠公思治論而深韙之所言先定其規模而後從事焉發以勇守以專達以強而引證於管仲之治齊范蠡之治越豈非古今邗治之要道哉雖然未易言也蓋余遭際

治朝馭歷中外竊欲以文忠緒論比於美芹之獻庶幾少裨

聖天子登三咸五之理乎而後知其未易言也頃者陳臬江左觀部內建德高令所上邑乘喟然而嘆天下事盡若令之歲是役也斯所云定規模而從事者矣發以勇守以專而達以強者矣前是我

建德縣志

卷之首 舊序七

一

世祖皇帝受天全付作式九圍

詔令郡國各取故乘增新之上諸石室將以昭大一統之盛而備史館諸賢所采擇焉願功令雖頌而人情狃於窳怠或一時守令弗講於三長之業或稍稍涉筆矣而中奪於經費弗繼克告成事者似未比比然乎建德爲縣地隣江表邊邑金陵百年以內名賢接踵以物從人詎曰瘠土湖厥故乘則所從來遠矣前政遼左孫君業奉行增新之檄唯謹惜美製弗終猶弗製也及高君以名進士來令茲土志百廢之具舉慨

前勞之未終僉諸耆舊若孝廉檀子若丙科柯子諸人共拾
孫令斷錦而終杼柚焉節縮浮費百需用充毳毳皇皇歲事
期月按故乘勒於正德庚辰今所增益良多凡百有四十餘
稔來人材之獻納物役之沿革遠則關當世之隆替近則繫
通邑之見聞者靡不采輯折衷部分而加之原起其條井然
其文斐然是足以應前

詔而供良史之所獵精取腴矣故曰高君爲能定規模而從事
也爲能勇也能專以強也是道也固余所願抱爲先資之獻
而終惴於談何容易者也高君勉乎哉乘特其一端焉爾卒

業良編書此爲序

舊序八 康熙元年

池州府 張瑞午 知府

建於池爲屬邑去郡治地偏而遙漢隸鄱陽唐永泰間改屬池州而建德之名實肇自楊吳時也其間山川競秀風俗恬熙士尚禮而民敦龐池郡醇朴之區也山陰言君於明正德間來尹茲邑憫文獻之無徵創修縣志聚千百年散逸之事彙帙成書閱今代遠人湮厥緒荒墜百年來事闕略無稽憂時悼俗之士惺惺欲紹續之而時遇弗遑有廢莫舉

國初孫尹曾更訂之而因陋就簡或引類多舛或徵事過當不可爲傳書也夫城邑建置按之輿圖鳥獸草木驗之方域風

建德縣志

卷之首 舊序八

一

謠時尙各附其俗人物文藝咸與其類此作史之大槩也儻匪本匪實覽者奚信今吾高君莅茲縣事公餘之暇搜藏簡探舊蹟慨然有改修之舉而檀孝廉光燠柯明經棟以暨夫邑之諸名宿協志贊勳凡三閱月而志成將授剞劂來索余言余思今天下事涉于美且要者多畧焉而不講此無它故當事者安恆習鮮遠謀嫌于觸時之忌諱夫安恆習者不肯爲無遠謀者不能爲而恐恐焉以觸時忌爲嫌者又不敢爲以致百年鉅典邈焉難稽豈不重可惜哉今高君不憚破舊習而二三子又左右維持凡邑之建置人文民風物產縷分

條析卓然以成一代之書俾觀風問俗之使得一覽而犁然
其有功于建邑匪淺鮮矣建其由是而不朽也哉君其由是
而不朽也哉二三子之翼贊乎此者咸各有相資亦得與爲
不朽也哉茲役也余喜其成而因述之以弁

舊序九 康熙元年

建德縣 高 寅
知縣

寅來建於十有七年庚子之秋抄而建志之修先自壬辰夏初其相距遠近律以虞廷報績之期且三易考矣爾時諸公蒐羅紀次之勞雖細如編貝皎若列眉而寅固猶在三千里外焚膏繼晷之中也今烏從而序之雖然彰其美者懼畧焉而弗詳傳其盛者又懼蓄疑而弗思問三代治世之聖設職方之官以掌九州之地不煩稽覈而邦國都鄙之士習民俗與財用穀畜之數咸並指掌苟後世之士處於一隅而城郭溝池之固山林川澤之阻文獻逸遺墳壤賦錯之別不克周

建德縣志

卷之首 舊序九

一

覽矧海內幅員烏能測記耶使其他日陟鼎鉉居調燮又烏能辨南北之道同而治異耶此之無益人國誠如侏儒日糜廩餼而庸醫者肘後無醫國之心而已矣漢馬伏波聚米爲山而光武曰敵在吾目中蕭相國入秦藏惟收天下戶口圖書以故首諸將而號人功而往者勝國之興也亦命儒臣輯一統志囊括包舉亶亶盡形實矣然則明公鉅卿間世挺出爲一代偉人未有不審其川靈嶽秀之所鍾而可以上答聖主下澤蒸生者也即曰宰一邑與宰天下有細大繁簡之不同而要其即細可類大即繁可類簡欲知一方之趨向彊燮

于以經之綸之爲之治絲而不棼則斯志也猶恐隱德未盡彰遺跡未盡錄再與君子諮之諷之之不遑而甯第序之耶顧寅之未來建也已亥秋以

先帝特恩捷南宮庚子謁選都門簽掣建德及至莅事之日則見數十年屯衛之積逋租如給復而吏此者五歲之間多四易于是疲民玩役視縣官爲五日京兆耳寅當此蓋無晨夕不厯覆餗之愆矣後余以奉公出徧四至覩遺蹟訪父老言選選元明時多有吏此而聲施著聞者寅思之必有大夫之賢者士之仁者長吏師之友之乃得附青雲以自見未幾而孝

建德縣志

卷之首 舊序九

二

廉檀君光熿候選縣令何君棟授寅以同鄉池州守王公府志言公縣志捧讀之知先達之蒐羅紀次固林立星稠已然綜覈期詳爲之尋求其藏帙源委貴確爲之訂正其時宜則鄭檀柯三君暨庠生江桐益燦相繼治有同心信乎大夫士之賢仁其于長吏之博資而啓迪之宏多昔李守素學優而仕羣目之爲人物志寅聞見淺渺乃治鏡在前而顧弗諮之諷之耶此又余讀志而序之所由始也

舊序十順治八年

建德縣
知縣 孫 蘭

嘗聞九州之志謂之九邱邱聚也謂夫九州所有土地所生風氣所宜皆聚此書天子所以具知阨塞戶口之數民所疾苦以具得九州圖書也今

朝廷右文爲治將遣輶軒四出罔羅舊聞操撫李公檄江南郡邑效古諸侯採風貢謠之義建雖編無或遺焉小子蘭愚無以仰遵盛指顧自維修史之難莫難於志江淹之所歎也陳壽李延壽雅善敘述矣而獨於志爲欲然豈非鴻纖畢陳米鹽凌雜偏引則不該璣列則辭費苟生非其壞出非其所雖

建德縣志

卷之首 舊序十

一

西都有比目之誚上林慙盧橘之訛况其它乎今夫覽地圖者相去不過寸數而間獨數百千里建雖厘黑子著面徧環畢阻險林叢甯盡著焉且夫一邑之乘與國史則殊矣執簡於天子之堂發潛德誅姦諛唯意所欲爲至里中長老則有勸而無譏此君子不以所惡廢鄉之義也然邑乘之與家乘則又殊人情莫不欲榮其祖父者此意奚昉哉昉於史遷所云世美周公爲能歌文武之德爾然吾儒誦法孔孟孔孟之書具在若夸述先德無聞焉爲家乘者旁搜遠紹纖微必書至邑乘則不能倘所云魁梧長者莫非其舊而已苟傷廉而

愆義亦雖愛而必捐書字書人安在非春秋謹嚴哉余與執
簡諸君約毋苛毋徇毋侈言毋偏舉勒爲不刊獻之蘭臺俾
朝廷知此中所有土地風氣咸聚此書付史館彙集一代大
成可曰千金之裘無所資一腋爲耶夫有明三百年邑志之
鱗次如繁星而惟康德涵之武功邢子愿之臨邑至今猶著
二三子負良史才讀九邱彙小聚以成大聚何多讓焉健雖
編番番元老炳麟史冊輶軒之所敬而求俾小子蘭附青雲
以有聲施實爲厚幸不敢云竣後之君子矣

舊序十一 明隆慶五年

建德縣知縣 羅元士

國家撫有中夏凡畿輔郡邑莫不有志旣統之以總其綱又分之以該其目要皆備四方以朝宗于一若衆星之拱極莫不燦然各具一方之文以成其大在地亦然此邑志之不可以已也邑古侯邦上應列宿有封域山川風俗文物材產其間變更興替不常則又志之可載而不可盡者不能不待人而新之也建德縣志始於正德庚辰山陰言君震歷今五十餘禩矣其綜理非不密版籍非不堅顧歲遠事殊慢藏速朽今實多遺逸之虞元士隆慶辛未春承乏茲土首至詢風問

建德縣志

卷之首 舊序十一

一

俗觀氣察機漫然未有得也遂取舊志觀之已見其版籍零落文獻無統志猶無志矣因謀諸學博劉君金謝君守鑾李君鎧欲圖捐己俸浼共輯之三君固遜元士久之弗克推遂于政暇反復檢閱尋討得其倪緒於凡散逸者收遺漏者補腐壞模糊舛訛者正彬彬然斯爲志之一成矣戒日就工梓之梓成因撫卷嘆曰志者志也在事物謂之理在人謂之心人心物理與政通也昔唐虞盛時山川效靈風俗熙洽材產豐阜及其衰也崩竭澆漓匱乏之病恒相因爲豈物理人心異乎前哉以轉移之機存乎人也方今

聖天子在上德徧遐邇闐闐窮谷靡不濡染所謂志唐虞之志也元士猥以庸陋得際盛時茲展志而觀凡一邑之美惡興衰皆在目前固不敢遠追二代之臣惟思努力奉宣天子德意景仰前修以圖匹休堯臣師道吳淵宗彝數君使山川風俗日趨於厚文物材產日抵於盛及後人之視己亦猶己之視前永禕國家於唐虞之治庶幾無負乎今日輯纂之意也不然不惟爲斯志之累而亦貽譏於後矣於是焉序

舊序十二 明正德十五年

建德縣言震
知縣

震竊觀國朝修集天下郡邑志以成大明一統志一洗歷代地志之陋眞萬世之宏規也然統志精而勢不及詳郡志詳而事或不悉邑志所以志一邑之小凡疆域之內故實名形皆可悉載蓋必取邑志郡取郡志統天下事似由一邑而廣其類邑志之所關豈小哉建德肇邑於唐歷唐及五代宋元或屬廬陵或屬潯陽或饒或池更隸不一我朝仍宋元之舊屬于池池陽舊爲江左要衝而建德乃池之南邑前代必有志錄文獻凋敝舊家失守今無志不知幾何許年矣震自丁

建德縣志

卷之首 舊序十二

一

丑奉命來知是邑其疆里風俗人材物產皆欲得其故蹟未敢言施於有政而亦震職之所當知欲謀舉作獨狃於政惠未協而邑事多艱也今庚辰十月欽命取天下郡邑志臺郡宣布之餘下及建德震皇然徧訪始悟無善本則咎明矣懼奉報違期難於自道邑之鄉進士路君達時養晦於家識其人稟勁慤立論公遂躬詣之托以纂輯之任延寓靜所期速成以完報時縣簿鄒君坤貢稅于京惟典教張君琇司訓劉君亨胡君頤相與商舉其事命幕友何禮雍董給館務果不踰月而就編矣謹鐫刷裁帙疾馳貢府以備進呈震之心至

是方敢甯息也邑今有志自是宦於是邑者皆有可考識而
出治焉田土之磽瘠則知民之多貧風俗之朴儉則知民之
多澹疆里之阻僻則知一二蕩靡之莫振賦役繁重而且急
則知邑小財力之不勝人材間出而必偉則知士夫習尚之
過人隨其事勢所低昂而張弛之使歎者足盛者益則無往
而非善治矣要其實烏可以掩襲爲哉必如堯臣之行恕吳
淵之興頹師道之有德宗彝之清儉然後可以望治之善使
庸腐若震輩則無足爲者也抑而思之昔堯臣當宋仁之盛
故得著茂績于是邑至今猶煥人耳目震亦躬遇今日聖天
子之盛政業無可取徵於民則其曠官辱命之罪無所逃矣
不深有負於作志之微意耶獨乘此而數百年之缺典一旦
見興則震之夙心酬已自後斯邑也治教日隆人物日盛以
志續志孰不仰激聖德之被於無窮哉

舊序十三 明正德十五年

曹尙和

郡邑有志所以備國史采集而成大一統之全書邑雖十室且不可缺吾建道里以百計而編戶十倍之賦稅百倍之山川有勝古蹟有徵桑麻穀粟羽毛鱗介足以養民生需國用名宦鄉賢之遺音懿德歷歷可數風俗文物有非遐僻小邑所易耦者謂獨無志可乎正德丁丑歲浙之山陰言侯震以經元來尹吾邑視篆初輒以是訪蓋欲知民俗而爲時宜之政不徒粉飾以罔民也適隣藩洪州之變而餽餉民患之急遂寢焉乃者詔責撫巡官督取各屬郡邑志檄來侯始愕然

建德縣志

卷之首 舊序十三

一

謂可遂其初而凡百盡勤且以必據先志爲不繆因索之公藏無點墨可徵大索於民間得筆錄者數楮於野老家而弊毀過半大訪於士夫鄉彥而補足其條例禮延鄉進士路友達總輯之路固遜曰必得吾友曹生尙和共成之爲可侯復走簡以速時余方遘恙不能疾趨而巡撫公督責日危越數日就館則路已先是編輯而脫藁矣獨取鄉先哲士蹟行檢相與讐校之耳及獻藁於侯三閱而可否訖乃命就刻且囑余序余惟志以載事猶文以載道文不以道則爲虛文志尙核實而不尙藻華否則非載事之書矣侯以廉介誠確之行

爲信賞必罰之政要皆實德之在人也是志也事物不爽其
真是非不拂乎公余復何喙然余邑人也開是卷而一閱不
能不斂卷而一嘆而大有屬望於是卷者考吾建古爲巨鎮
盛唐至德間始治以令尉簿史之官而立爲邑蓋生齒土地
嘗繁且闢賦稅人文嘗富且盛矣世代變遷累憊於兵亦土
地日蕪而賦稅日不足其額矣逮我國朝永樂間欲復之調
隣所成餘來屯蓋取古人三時務農一時講武之意然而民
產分崩生齒雖日益而生業已拘欲庶富業儒如故不可得
已甯不可嘆也哉是志固將達之上下上惟日是志也鑒古

傷今思復吾建於古盛推此及彼而念四海之瘡痍則必擇
庶富教之術而膏澤之矣下惟日是志也景慕先哲而聞義
必徙誘掖獎勸而遐邇同風則吾民將於變矣是則余屬望
於是志者故敢贅於末而上以諗夫君子下以及於衆庶庶
是善之核實而不藻飾不置之無用而侯之實德在人亦于
是爲可驗云

舊序十四 明正德十五年

路 達

建德池陽屬邑也舊爲秋浦鄱陽二縣地唐肅宗初始置縣名至德五代時改今名自有縣治距今凡六百三十紀地之因更俗之升降物之豐嗇必有志以乘其事迄後兵燹交馳世遷代易志本湮滅馴久皇明啓運百五十年任邑事者踵繼如繩未聞有尋訪而新之則與紫陽南康之見不侔矣獨何心哉士無賢不肖莫不歎憾於此適正德庚辰冬欽命取天下郡邑志錄以備軍門探覽臺司檄令遍告及於池郡伯何公文下六邑示期甚嚴知建德縣事山陰言侯震星疾訪

建德縣志

卷之首 舊序十四

一

邑舊志多方不獲值達猶家食乃躬顧達俾任創輯達素甘疏惰避謝至再弗聽竟延至廉明館侯親制條件付諸庠俊采詢故實各錄送之槧案達謹會衆錄筆墨惜無故本可據強自搜抉僭書二十九引析類分科以著其事而庠俊井一奎等與贊之旬匝而藁具再易藁而編甫成以告侯侯因東過筆峰曹尙和先生較視之與定敢謬釐六卷就梓修剡成册先馳呈府類聚上獻而後傳示於戲志旣傳則邑之事不煩咨諏而沿革可稽風土可辨人物之詳詠著之實僅有考見建德自是不爲無據之幅員矣後之行部之臣筮仕之士

隨其儉正披閱之情得無異乎吾知觀堯臣晉卿之惠政必有
有矢心牧愛思躡其遐躅者矣仰檀固柯暹之卓行必有志
存經濟思不愧前修者矣觀盛必有欲起其衰者觀廢必有
欲圖其興者如此則今日之志不徒作也若夫憚異績之難
而甘闕茸嘆奇才之鮮而安卑陋覽清勝則思縱樂而忘吾
事顧衰替則置度外而無激容如此則此志雖作猶不作也
是知志乘於人謹之則邑日新易之則邑日敝志有以閑風
化而切治體也甚矣第率成之編挂漏譌舛作者負羞他日
長於撰著者希爲我討正而慎續之則達一時之僭也得非
幸與獨今日無以稱在上采覽之意罪則有不敢虞逋焉猥
書此以塞緗白

史爲載事書而志其一也自國都達郡邑雖詳畧弗倫其稽古責實彰往事而作來鑒則同也建德舊無志豈司民者之遜於未遑歟抑嘗有之而銷於兵燹歟嗚呼茲豈細務宣子聘魯喜周公之典籍具存仲尼言二代之禮乃嘆杞宋之不足徵也問之爲官期簿書者鄙文學尙刑名者輕教化碌碌搪突以俟瓜代而已甯知是哉正德丁丑山陰言侯以省魁來令清慎不擾三載政成因太守何公重新郡志輒欲始事謀諸鄉進士路一松一松遜曰昔李延壽南北史而不作志

使數代制度沿革沒而不見識者恨之茲誠盛舉顧委於余懼才識弗逮耳僉力贊之諾未幾以戎務寢庚辰冬奉臺命復敦一松主其事而一奎與焉旣就館考之野楮詢之故老叅之輿情而會之已見設例立論成書鋟梓一松之用心亦慎矣乎是書也作之而信信之而傳續永永焉固存諸人第以旬月督促之期而萃千百年散亡之蹟則夫遺珠之憾亦徒興矣此一松之所以執册而三嘆也噫事事莫難於圖始若今言侯之知務一松之優爲此志之速成難者祇見其易耳輟於因循而舉於勸激天下事大抵然也奚獨志哉

是歲仲春之月重修縣志成將壽諸梓高侯進枝與晉而命之曰余與君等共事一方是邑之風俗教化沿革益損之故皆與有責焉不可無一言跋其後枝竊維志者典故之所存憲章之攸係也凡爾輿圖星野山川人物以及作賦作貢成聚成都綱紀統具焉非生長是邦博聞洽見者采掇豈能罔缺乎今檀君柯君偕邑庠諸子遠稽近考內斷於衷其稱名也覈而取類也詳將舉唐宋以來千有餘年之蹟哀聚次之於編何能踵事而增華焉願侯之爲是役也當修廢舉墜之

餘慙劬不遑暇給其志卓其願宏蓋勵職守而謹風猷慨然澄清爲己任夫士入官稽古莫不究天人如董子策治安如賈生追起而受事曩之翱翔乎載籍之圃者有若空華無實水月不堅何哉非其身親之謂也非其身親之而措之此而宜措之彼而未必宜之謂也故習已成事循吏之令模也志雖小史其一成不變者儼繁星之麗天其進而遞變者譬支流之由地易曰聖人有以見天下之動而觀其會通以行其典禮此非其例歟漢馬遷於武帝之年即修建武時事唐韋述於肅代之年即修至德乾元時事宋則太宗兩朝一修真

宗三朝一修仁英兩朝一修彼皆一代之史浩瀚繁冗未易纂述者而不憚及時爲之誠恐當時稍有缺畧後世無所取裁耳是邑舊志蒐羅未備侯輯之臻於大成使劉知幾不歎三長之艱袁松不標五難之論善矣抑枝司教言教因有感焉建固蕞爾其人文秀甲江南勝國先型數難更僕後如孔端揆鄭冢宰輔理宏化炳炳麟麟匪特焜燿邑乘而已近以垂翅回谿士懷鬱志而先是地經兵燹名山之業蕩然無存援往事諮之舌多橋不肯下也詎不慨想夫抵掌時務若王景畧者捫虱而譚稱快哉稟侯之意而徵往紹來即所以爲

學也紹明不已熟習典章將由邑進於郡國由郡國達於四方石渠天祿之藏虎觀蘭臺之寄豈異人任昔文翁治蜀興起學校一切謀所以更新之用斯道耳遂不辭固陋借晉摛詞而爲之跋

康熙元年夏月之吉

建德縣志纂修姓氏

監修

四品銜署建德縣知縣陞署廣德州知州

張贊巽

署 建 德

縣

知

縣

張翊六

張翊六

襄理監修事

建 德

縣

訓

導

孫萬城

調查

建 德

縣

巡

檢

許 斌

建 德

縣

典

史

劉家樾

建德縣志

卷之首

修纂姓氏

一

建 德

縣

把

總

芮雲漢

候補典史建德縣啓事官

凌步曾

總修

二品銜前署江西按察使湖南候補道壬辰庶吉士

周學銘

襄修兼總理會計調查事

四品銜補選同知廩貢生

趙 鎔

襄修

誥封資政大夫候選訓導歲貢生

張藻康

候選教諭拔貢生

金燮理

歲貢生 蘇庶熙

歲貢生 鄭登鰲

增生 蘇淳

直隸候補道 張愷康

江西候補知府 張愉康

襄修兼監理繕校

分省補用按察司經歷歲貢生 鄭曾傳

廩膳生 徐傳書

五品銜候選通判恩貢生 王寶興

建德縣志 卷之首 纂修姓氏 二 生 員 張泰煜

分修兼調查會計

頭品頂戴前署直隸按察使長蘆鹽運使癸巳舉人 周學熙

分修兼調查

三品銜山東候補道癸卯經濟特科 周學淵

奉天高等審判廳廳丞刑部郎中 許士英

分修兼總校

二品銜湖北候補道癸卯舉人 周學輝

分修兼採訪

三品廕生分省補用道

周達

二品銜直隸候補道

張泰樾

郎中銜

周明捷

四品銜江蘇候補知州

周達

總採訪

廩貢生

張泰恒

廩生

董澤潤

廩生

李華

內閣中書銜貢生

王寶珩

建德縣志

卷之首 纂修姓氏

三

六品銜廩貢生

胡之楨

五品銜候選州同恩貢生

鄭起鳳

附貢

徐傳易

廩貢

祝汝勤

採訪

職員

鄭起枝

翰林院孔目銜歲貢生

鄭曾祺

增生

王寶賢

訓導銜師範科貢生

張培基

生

員

胡瓊芳

生

員

何椿

增

貢

徐家言

廩

生

胡儒從

生

員

徐傳友

生

員

徐渭清

增

生

江培之

附

貢

生

林科名

生

員

鄭嘉猷

建德縣志

卷之首 纂修姓氏

四

生

員

胡鼎

增

生

張秉光

生

員

吳道煌

生

員

劉爛

增

生

洪焯

生

員

鄭觀文

職

員

姚健時

職

員

黃利見

生

員

路登瀛

監

生

鄭學僑

縣

丞

銜

王寶善

職

員

吳殿衡

廩

生

王斯干

生

員

汪鏡清

生

員

陳治安

生

員

程千藻

生

員

王寶蘇

生

員

歐陽孔耀

建德縣志

卷之首 纂修姓氏

五

生

員

柯子俊

附

貢

歐陽文照

生

員

孔慶雲

廩

貢

生

仰聖謨

廩

生

柯芳政

職

員

陳國本

職

員

陳國鎮

生

員

石先達

職

員

查繼昌

監生

徐傳鑑

生員

石珩

歲貢

趙煥

歲貢

謝國恩

職貢

趙德驤

生員

王之屏

增貢

王元安

訓導銜師範科貢生

姚能忠

生員

姚能安

建德縣志 卷之首 纂修姓氏

六

五品銜候選州同增生

李思蓮

生員

江炳南

生員

鄭兆濂

候選訓導歲貢

江炳然

生員

甘鳳鳴

監生

童德駿

廩貢生

朱實恢

五品銜試用訓導

張泰詹

監生

吳士俊

候選同知 汪映輝

按知事 王道濟

生員 陳洪範

廩生 劉巨川

附貢 高家貴

監生 高兆權

廩生 胡廷琛

附貢 何慶昇

生員 陳挺蔚

建德縣志 卷之首 纂修姓氏 七

生員 金鳳樓

例貢生 金安卿

武生 汪鴻標

從九品 汪邦俊

生員 王壽祺

試用訓導 蘇錫蕃

生員 汪盈科

例貢生 汪文英

五品銜生員 汪青雲

附 貢 周作求

附 生 周年久

附 生 徐夢雲

職 員 徐權

職 員 徐興南

生 員 張葆真

生 員 周潤身

生 員 王尊賢

從 品 洪維誠

生 員 蘇鉅琛

生 員 曹日新

生 員 方正榮

職 員 葉臻

生 員 劉鼎新

監 生 劉鴻達

生 貢 劉顯廷

職 員 陳宅安

廩 生 陳義

建德縣志 卷之首 纂修姓氏 八

九

生 貢 徐德騏

廩 貢 生 陳鳳昌

附 貢 生 邵化龍

武 生 葉鴻猷

從 九 品 葉樹廷

從 九 品 葉則仕

從 九 品 黃作珍

廩 生 陳英蕃

武 生 汪攀桂

建德縣志 卷之首 纂修姓氏 九

從 九 品 汪錦標

武 生 汪鼎鐘

從 九 品 汪景全

從 九 品 汪鑑銘

生 員 英 葩

監 生 英 蕃

監 生 李芹芳

生 員 黃之駿

從 九 品 金朝陽

附 貢 李枝榮

附 貢 詹步蟾

廩 生 黃國棟

附 貢 李青

從 九 品 鄭文達

生 員 劉維賢

監 生 劉際華

生 員 劉克勝

生 員 李學開

建德縣志 卷之首 纂修姓氏 十

從 九 品 施仁

監 生 李光華

從 九 品 徐朝欽

廩 生 章祖堯

監 生 張春雲

縣學兩署寫生

吏 科 計鑑衡

戶 科 歐陽鎮權

禮 科 計雅衡

兵	刑	工	屯	稅	禮	學	學
科	科	科	科	科	科	書	書
王振國	張紹基	胡錦章	丁紹先	計耀南	張棟樑	王寶盞	胡光裕

建德縣志

卷之首 纂修姓氏

修誌凡例

一舊縣志修於道光五年體例詳備今謹依其次序逐項添入其 聖廟衙署等圖照繪內有已修復者未修復者均一一註明至八景圖本係套文近來修志者多不沿用特將此圖刪去惟擇其詩文可存者數篇附於藝文中至舊誌內每門冠以駢語浮文今概不錄

二稿本應就各保採訪冊及光緒三年所修省志斟酌纂成其不備者再加搜訪總以事有實據爲憑

三地圖舊志總分各圖已分里數今仍之稍加詳細

建德縣志

卷之首 修志凡例

一

四歷年蠲緩錢糧在光緒五年以前省志已載者照省志摘出添入仍查縣冊核對至鹽茶釐稅各事及近年新政如辦學堂巡警徵兵舉議紳裁教官武職等事凡大部通行事件均依類增入不敢亂其次序

五凡忠義節烈懿善宦蹟等類如捐軀殉節毀家紓難保衛一方捐資行善功德及民各項必須有實事可考方可入誌若僅空言孝弟忠信教育施濟等類不載

六國例凡應入鄉賢者須本人歿後三十年子孫無三品官者方能請奏若其人尙存無論善行如何概不入志惟科名官

職封典已捐善舉銀兩及已辦地方興利除弊之事可以載入

七壽民概依舊例年逾八十始錄其生存之人加一現字舊志女壽不載惟百歲者載之今仍舊

八節婦例應三十以前守節逾五十以後請旌今所載亦照此例如不及五十而歿者查係苦節亦準載入若年例不合而別有懿行可紀者應入淑媛門

九先哲名人著作母論已刻未刻均將書名載入藝文門或擇其有關係詩文擇載數篇若現存之人所作文字有關係地方利弊者亦準選錄倘係風月閒情詩文訓詁之類無所關係即不必錄

十舊志方技門今改爲藝術以藝可賅方技方技不能賅藝術也仙釋一門改爲方外以舊志所載仙釋殊多虛誕名以方外名實相稱

十一保教爲近年要政而無門類可附謹載於方外之後以便檢查

十二舊志卷尾有祥異撫紀兩門其撫記一門多係小說逸聞今復搜羅數事有關名賢逸事擬將撫紀二字改爲雜記凡

應入某門而不成片段文字皆附之

十三此次修志以乾隆丁酉道光乙酉兩屆舊志爲粉本按乾隆舊志主修者爲知縣許起鳳叅訂者爲教諭王宮秦山訓導丁如琦分修者爲舉人原任樂至縣令鄭逢原舉人洪暉烈貢生鄭世璟金勉何一讓張鑿祚鄭自彬生員徐述益胡及嵩鄭象琬王巍倪淑世楊濟鄭開鄔姚琮胡大定童大椿李陶瑞鄭世隆採訪者爲舉人傅愈懽等道光舊志總修者爲知縣陳葵纂修者爲教諭管森訓導呂星燕分修者爲孝廉方正拔貢生朱鍾恩貢鄭祈銓金鏞拔貢洪國甸廩貢徐掄英副貢鄭標燦舉人楊世英等今備錄其姓氏於此以誌不忘憑藉之意云

建德縣志目錄

卷之首

諸圖

圖說

卷之一

輿地志

建置沿革表

卷之二

輿地志二

建德縣志

卷之首 目錄

一

星野 圖附疆域

形勝

山川

水利

卷之三

輿地志三

鄉鎮

風俗

古蹟

卷之四

營建志

城池

公署

坊表

卷之五

食貨志

戶口

民賦

屯賦

鹽法

雜稅

物產

卷之六

倉儲志

積貯

附 囚田

蠲賑

卷之七

學校志

學宮

經籍

學額

書院

學堂

建德縣志

卷之首 目錄

二

試院

學署

學租

農林

學堂

卷之八

武備志

營汛

驛傳

附 馬田

兵事考

卷之九

祠祭志

壇壝

附 藉田

廟祠

寺觀

塚墓

附 義塚

卷之十

禮儀志

慶賀

齊戒

開讀

行香

救護

迎春

到任

講約

賓興

謁廟

送學

鄉射

鄉飲

授時

開印

封印

婚禮

喪禮

祭禮

冠禮

服制

卷之十一

人物志

秩官表

建德縣志

卷之首 目錄

三

卷之十二

人物志二

科舉表

卷之十三

人物舉三

例進

卷之十四

人物志四

封廕

卷之十五

人物志五

循吏

官績

忠節

義行

儒林

文苑

武勳

卷之十六

人物志六

孝友

懿善

仁壽

隱逸

流寓

藝術

方外

教務

卷之十七

建德縣志

卷之首 目錄

四

人物志七

節孝

節烈

烈女

貞女

淑媛

卷之十八

藝文志一

書目

卷之十九

藝文志二

文

詩

卷之二十

祥異


雜記

建德縣志

卷之首 目錄

五

下鄉分圖



北

西



彭澤縣界

陳家保界

虎溪

隱山 隱山塔

洪沙港 楓林口 梅墟 萬橋橋

大板橋 師源 黃荆港


分水嶺 小鎮保 會勝山 韓橋保

鄱陽界


彭澤縣界

鄱陽界

石門



崇聖祠 學宮圖



尊經閣

大成殿

文昌殿

明倫堂

戟門

鄉賢祠

名宦祠

櫺星門

忠義祠

學像


奎星樓

泮池


敬一亭


教諭署

縣署圖





永豐司署圖





池州試館房圖



同 胡 禧 祿

京都建德試館

西

南



東

北深清胡同

北

活河東

河城



建德縣圖記

輿圖之學邠幼喜習之嘗覽各家地圖徧遊十數行省四十年來未嘗釋手自揣猶不敢信爲精也庚戌春訪周玉山尙書太夫子於蕪湖適值纂修縣志尙書謂邠曰吾邑向是三鄉四十八保舊志稍欠明晰予遊建三年足跡幾遍盍爲測繪一圖以光邑乘邠曰唯唯遲久未敢具草以躬未測度難以銖黍合也然又不獲辭乃取舊志圖閱之見其開方畧合惟測度未諳要亦得其大概形迹因以爲藍本按建德分野上纏斗二十六度距天度百二十分之一東南界斗二十五度七分一秒西北界斗二十六度二分四秒中距十六分四秒地度經線距北京中線十九度七分一秒緯度距中線一度三分二秒畧定疆域界址復推上中下三鄉依度分界注明四十八保以作三鄉分圖庶足以資考察分之則爲三鄉合之則仍一邑覺眉目清而較閱易非敢妄爲改易也請修志諸君子採擇焉

宣統二年清和上浣蜀北射洪歲貢生楊昌邠繪並記

重修縣志捐項列左

周學熙

捐英洋壹千元

許士英

捐英洋叁百元

胡琪

捐英洋貳百元

張愷康

捐英洋壹百元

張泰樑

捐英洋伍拾元

張泰封

捐英洋伍拾元

胡英

捐英洋貳拾元

上鄉

建德縣志

卷之首

捐項

一

官營保

捐英洋肆拾元

蘇村保

捐英洋肆拾元

鹽田保

捐英洋肆拾元

黎痕保

捐英洋叁拾元

畚獅保

捐英洋叁拾元

隱山保

捐英洋叁拾元

永豐保

捐英洋叁拾元

韓橋保

捐英洋叁拾元

小嶺保

捐英洋叁拾元

雙溪保

捐英洋叁拾元

鐵爐保

捐英洋叁拾元

昭潭保

捐英洋貳拾元

楊林保

捐英洋貳拾元

新莊保

捐英洋貳拾元

大板保

捐英洋貳拾元

青山保

捐英洋貳拾元

雙港保

捐英洋貳拾元

港東英林保

捐英洋貳拾拾元

建德縣志

卷之首 捐項

二

中鄉

金村保

捐英洋肆拾元

分流保

捐英洋肆拾元

陳家保

捐英洋肆拾元

東叅保

捐英洋叁拾元

南安保

捐英洋叁拾元

西叅保

捐英洋叁拾元

抄溪保

捐英洋叁拾元

小梅保

捐英洋叁拾元

堯渡保

捐英洋貳拾元

河西保

捐英洋貳拾元

東山保

捐英洋拾元

下鄉

東門保

捐英洋肆拾元

西南門保

捐英洋叁拾元

歷山保

捐英洋叁拾元

城內保

捐英洋貳拾元

簷村保

捐英洋貳拾元

建德縣志

卷之首 捐項

三

高湖保

捐英洋貳拾元

天堯井封保

捐英洋貳拾元

奠龍保

捐英洋貳拾元

馬相田望保

捐英洋貳拾肆拾陸元

南山保

捐英洋貳拾元

四葛都公保

捐英洋拾貳捌元

葛源保

捐英洋貳拾元

柴錦阮溪保

捐英洋貳拾元